



**E Preguntanan
Grandi di Bida.**

Preguntanan

Grandi di Bida

Mi Bon Amigu,

Tin biahá bo no ta puntra kiko bida tin aden?
Pakiko bo a nase? Kon bo ta haña felisidat? Si ta
asina, e seis lèsnan aki lo ta di gran yudansa pa bo.
E seis lèsnan ta :

1. **Kiko ta pasando ku mundu?**
2. **Kiko ta e bèrdat tokante Dios?**
3. **Kiko bida tin aden?**
4. **Kon bo por logra kumplí ku bo nesesidat di mas grandi?**
5. **Kiko ta pasa despues di morto?**
6. **Kiko ta e iglesia berdadero?**

Ounke ku e promé lès ta apart riba su mes, e ta
sirbi tambe como introdukshon pa e otro lèsnan.

E lèsnan aki ta kontestá preguntanan grandi ku
kada persona ta hasi tokante bida.

Kada lès ta diseñá kuidadosamente pa yuda bo
komprondé e kontenido mihó. Memorisá skritura i
preguntanan pa studia ta un parti importante di e
diseño. Por fabor tuma tempu pa memorisá
versíkulonan di e Skritura i kontestá e preguntanan di
estudio den kada lès.

Segun bo ta kompletá un lès, bai na Revisá Bo
Lèsnan na final di e buki i kontesta e preguntanan di e
lès ei. Hasi e mesun kos segun bo ta kompletá kada
lès. Ora bo kaba tur e seis lèsnan i bo a kontestá e
preguntanan di kada lès, email e Lèsnan di e Resúmen
di Pregunta na e email ku tin na final di e buki.
Despues di eseí nos ta manda un sertifikado pa bo
dor ku bo a kumplí ku e kurso.

Manera bo por imaginábo, pa haña e kontestanan
grandi di bida ta rekerí algu di esfuerzo di bo banda.
Sinembargo lo bo wak ku e lèsnan akí ta interesante i
fásil pa komprondé.

Nos lo ta kontentu di risibí bo karta personal. Hasi
kualquier pregunta ku por pasa den bo mente durante
e estudio aki. Semper nos lo ta kontentu di tende di
bo !

Bon bini na e famia di Global University.

—**Direktor**

wepsaite: www.globaluniversity.edu

email: globaluniversitycuracao@gmail.com

Tradusí na Papiamentu: Hetty Diels

© 2003, Global University
1211 South Glenstone Avenue
Springfield, Missouri 65804
Derechonan reservá

E0100E-90

Kiko ta Pasando ku e Mundu?

DEN E LES AKI LO BO STUDIA

- *Kon Bo por Haña Sa e Bèrdat?*
- *Kon Mundu a Kuminsá?*
- *Kiko A Bai Robes ku e Mundu?*
- *Tin Speransa pa e Mundu?*

PROME PARTI

KON BO POR SA E BERDAT ?

Siensia, Historia i Opervashon

Bo por siña hopi kos maravioso di mundu i di su habitantenan dor di siensia, historia, i opervashon. Sinembargo, bo no por siña e kontestanan pa hopi di e preguntanan di bida for di e rekursan aki. Nan no ta bisa kon bida a kuminsá, ki su propósito ta, i kiko futuro ta enserá.

E Beibel

Ta solamente Esun ku a traha mundu por bisabo kon E a hasié i dikon. E ta konta nos e bérdat di e kosnan aki den Su buki, e Beibel . Ta un buki di instrukshon pa biba den e mundu aki.

E Kurso - Preguntanan Grandi di Bida

E lèsnan aki ta basá riba Beibel. Nan ta sita algun di e hopi versíkulonan for di dje ku ta kontestá



bo preguntanan. Dilanti di kada situashon tin e referensha : nòmber di e buki, kapítulo i versíkulo kaminda ta haña e palabranan den Beibel.

Tin hopi diferente tradukshon di Beibel saká for di e idiomanan ku na inisio nan a skirbi. E palabranan aki por ta diferente for di esnan den bo Beibel. Nos a uza e vershon *Beibel Santu*.

DI 2 PARTI KON E MUNDU A KUMINSA ?

El a pasa gewon asina?

Nunka bo no a puntra bo mes di unda e mundu a bin? E kos ei a pasa gewon asina? “ Of un mente grandi a plani’é i un poder grandi a trah’é?”

Ora bo wak un baiskel, un outo, òf un avion, bo sa ku e no t’ei gewon asina. Un hende a plani’é i trah’é di tal manera pa asina e por funshoná segun reglanan stipulá.

A Traha Mundu Segun un Plan

E Mundu i tur kos den dje ta funshoná segun patronchinan fiho ku nos ta yama leinan di naturalesa. Mas siensia deskubrí tokante di e leinan aki, mas sigur nos ta ku “un Hende” a plania kada detaye di universo, a trah’é i ta keda lag’é funshoná segun Su plan. E “Hende”ei ta Dios, e Kreador di tur poder i sabiduria. E ta e Señor, òf esun Soberano di Universo.

Memorisá Esaki

Génesis 1:1. Na prinsipio Dios a krea e shelunan i tera.



Huan 1:3. Tur kos a bin na eksistensia pa medio di dj'E.

Dios a Traha un Mundu Perfekto

Dios a krea solo, luna, streanan i mundu. Ela pone nan den órbita di tal manera pa asina nan no dal den otro. Ela pone e distansha eksakto entre mundu i solo --- no muchu serka, sino tur kos lo a kima; no muchu leu, sino nos lo por vris. Oseano i tera tabata den proporshonnan perfekto i e atmosfer tabata presis. Despues Dios a traha sernan bibu. Por último Ela krea hende i a pon’é den un mundu bunita, maravioso.



Memorisá Esaki

Génesis 1:31. I Dios a mira tur loke El a traha, i ata..... tur kos tabata masha bon

Pakiko Dios a Traha Mundu

Dios a traha mundu pa su propio plaser. El a krea e familia humano pa nan ta Su yunan pa E por stima i disfrutá di dje. Ela traha mundu pa ta nan kas. Dios lo a disfrutá di Su universo bunita i ordená , pero mas ku tur kos E lo tabatin plaser den e amor di Su yunan.

Revelashon 4:11. Abo a krea tur kos, i pa motibu di Bo boluntat nan tabata eksistí, i a wòrdú kreá.

Salmo 149:4. Pasobra Dios ta hiba gustu den Su pueblo.

Dios tabata ke pa Su yunan ta manera E mes anto pa kompartí su trabou. P'esei Ela duna e promé hòmber i muhé, Adam i Eva un naturalesa manera esun di dj'E mes den hopi manera. Dios lo a siña nan. Ku Su yudansa humanitat lo a goberná mundu.

Génesis 1:26. E ora ei Dios a bisa: “Laga Nos traha hende segun Nos imágen,.... i laga nan gobernáriba henter e tera.

Pa Bo Hasi

- Kua buki den beibel ta bisa nos kon i dikon a traha mundu?
- Ken a stipulá e patronchinan di bida ku nos ta yama lei di naturalesa ?
- Pa ken su plaser mundu a wòrdú krea?.....
- Mundu tabata bon òf malu?
- Dios a duna Adam i Eva un naturalesa ku ta manera
- Dios tabata ke pa e familia humano disfrutá di Su amor i ta Su.....
- Ku yudansa di.....
humanitat lo mester a goberná riba

Kontrolá bo kontestanan dor di wak bèk den e sekshon ku bo a kaba di studia. Koregí kualke un ku ta robes.

DI 3 PARTI

KIKO A BAI ROBES KU MUNDU?

Un Kos a Bai Robes

Wak rònt di bo i lo bo mira sufrimentu, tristesa, pleitu, violensha, guera, hamber i morto. Aworakí mundu no ta perfekto. Kiko a bai robes? E mundu aki ku un tempu tabata perfekto, a keda dañá dor di un enemigu di Dios i dor di hende mes.

Enemigu Di Dios

Dios tin un enemigu ku yama Satanas, òf diabel. Dios a trah'è, pero ela bira orguyoso i rebelde. Awor Satanas ta kontra tur kos ku Dios ta para p'e... Dios ta bon; Satanas ta bringa bon ku maldat. Dios ke yuda nos; Satanas ke destruí nos. Dios ke disfrutá di e amor di hende i su kompania, pero diabel ta purba separá nos di Dios. Satanas ta purba di laga pa nos siguié en bes di sigui Dios.

Piká di Hende

Satanas a gaña Adam i Eva tokante Dios. Ela konvensé nan pa hasi piká; ku ta desobedesé Dios. Dios a spièrta Adam ku piká lo hiba na morto, pasobra piká ta separá un hende di Dios. Bida ta bin di Dios, ke men separashon di djÉ ta kaba den morto. Adam i Eva a skohe pa kere Satanas en bes di kere Dios. Nan a kibra e reglanan di Dios i a sigui nan mes kaminda ku resultadonan trágiko pa mundu.

Efektonan di Piká

Piká a trese malesa i morto den mundu.



Romanonan 5:12. P'esei, meskos ku dor di ún hende piká a drenta den mundu, i morto dor di piká , i asina morto a pasa pa tur hende,
pasobra tur hende a peka.

Piká a kibra asosashon entre Dios i hende. Miéndras ku hende ta rebelde, desobediente, i yen di piká, e no por tin asosashon ku Dios. En bes di ta un sirbidó di Dios, e ta un sirbidó di piká.



Romanonan 6:16. *Boso no sa ku ora boso presentá boso mes na un hende pa obedesé como esklabo, boso ta esklabo di esun ku boso a obedesé---sea di piká ku ta kondusí na morto, òf di obedensia ku ta kondusí na hustisia.*

Dor di skohe pa desobedesé Dios, nos ta djòin rebeldia di Satanás i aseptá su reglanan. Mundu a bira un kampo di bataya entre Dios i Satanás. Bo tin ku skohe na kua banda bo ta.

Bo Eskoho---- Kaminda di Dios òf Kaminda di Satanás



Hosue 24:15 *Skohe pa boso mes awe kende boso lo sirbi,...pa loke ta ami i mi kas, nos lo sirbi Señor.*

DIOS TA OFRESE NOS	SATANAS TA OFRESE NOS
Den Naturalesa Un Kreashon Perfekto Hopi Seguridat Stabilidat Bendishon	Den naturalesa Un Naturalesa Korupto Konfushon Pobresa Kaos Hamber
Den Nos Kurpa Bida i Salu Apétit Sano	Den Nos Kurpa Malesa i Morto Bisio Deseo Golosidat
Den Nos Pensamentu, Sintimentu, i Akto Amor Sano Bon Pensamentunan Libertat pa Skohe Aliansa ku Dios	Den Nos Pensamentu, Sintimentu, i Akto Adikshon na Piká Separashon di Dios Rebeldia Egoísmo Krímen Sin sentido Guera
Obedensia Sirbishal Kontentu Hustisia Konfiansa Pas Humildat Speransa Propósito Sabiduria Bèrdat Kreatividat Fe Goso	Mal Pensamentunan Rabia Destrukshon Tristesa Inkredulidat Orguyo Deskonfiansa Eror Inhustisia Miedu Bringamentu Lokura

Pa Bo Hasi

Pone un X na tur loke bo ke den e lista i un (O) na esnan ku bo no ke.

- Di akuerdo ku loke bo a marka, bo ta preferá di ta na e banda di Dios òf Satanás?
-

DI 4 PARTI

TIN ALGUN SPERANSA PA MUNDU ?

Te Ainda Dios ta Prekupá p'e Mundu

Dios ta stima nos apesar di nos piká. Ela traha un kaminda pa spar nos di piká, di Satanás i di morto eterno. Te ainda Dios ta goberná universo i un dia E lo trese obediencia bék na mundu atrobe.

E Yu di Dios a Tuma Nos Kastigu

Tur hende na mundu a peka i a keda kondená na morto. Nos no por a salba nos mes di ningun manera. Dios a stima nos asina tantu ku Ela manda Su mes Yu, Señor Kristu Hesus pa tuma nos kastigu.

Kasi 2000 aña pasá Hesus a bin na mundu i a nase na un manera supernatural for di e bírgen na Palestina. Ela siña hende e bérdat tokante Dios i su amor. E no a hasi nada malu den su bida. Ela trata tur hende ku rèspect i amabilidad. Tòg a trat'E manera un kriminal, klab'E na krus, lagu'E muri. Ela muri pa nos pikanan.

Dios a mustra mundu ku Hesus tabata su yu dor di tres'E bek na bida despues di tres dia. Kuarenta dia despues Hesus a bai shelu bék.

Amigunan di Hesus ku a mir'E despues di Su resurekshon i a mir'E subi bai shelu a konta nos di eseí den nan evangelionan.

Aseptá Hesus ta Hasi Nos Yu di Dios

For di dia ku Hesus a tuma nos kastigu, esnan ku a asept'E como nan Salbador a keda librá di e poder di Satanás. Ora nos bira lomba pa nos pikánan, Dios ta hasi nos Su yunan i ta duna nos Su bida. Dios ta urgí nos pa kere den Su Yu i keda librá di piká, pero E no ta forsa nos pa hasié.

Romanonan 5:17 Si dor di transgreshon di esun, morto tabata reina dor di esun ei, muchu mas esnan ku risibí e abundansia di grasia i e don di hustisia lo reina den bida dor di Esun, Kristu Hesus.

Memorisá Esaki

Huan 3:16. Pasobra Dios a stima mundu asina tantu, ku El a duna Su Yu unigénito, pa ken ku kere den dj'E no bai pèrdí, ma tin bida etérno.



Romanonan 6:23. Pasobra e pago di piká ta morto, ma e don di grasia di Dios ta bida etérno den Kristu Hesus nos Señor.

Bo Por Biba den un Mundu Perfekto

Un dia Hesus ta bin bék na mundu pa libr'é di piká i hasi tur kos nobo. Si bo asept'E komo bo Salbador awor, e or'ei lo bo biba kun'E den felisidat kompleto. Asta awor, bo bida lo ta mihó paso Hesus lo bin biba den bo pa asina bo por hasi loke ta agradá Dios. Bo por kuminsá disfrutá awe mes di e bendishonnan ku ta pertenesé na e yunan di Dios.

Si bo ke aseptá Hesus komo bo Salbador awor, bisa e orashon aki.

Orashon

Dios, danki pa stimami i manda bo Yu pa muri pa mi pikanan. Mi ta aseptá Hesus awor komo mi Salbador. Pa resto di mi bida, mi ke ta na Bo lado i no na esun di Satanas. Por fabor hasimi e hende ku Bo ke pa mi ta.

Pa Bo Hasi

Skirbi bo nòmber den e parti bashí

Paso Dios a stima
asina tantu ku Ela duna Su úniko Yu pa
ku ta kere den djÉ no muri pero haña bida eterno.

Pabien ku bo a kompletá Lès 1.

*Bai na e Resúmen di Pregunta na final di e buki. Kontestá e preguntanan pa Lès I.
Despues sigui ku bo estudio di Lès 2.*

Ku Dios bendishonábo rikamente !

Kiko Ta e Bèrdat Tokante Dios ?

DEN E LES AKI LO BO STUDIA

- *Dikon Bo Mester Sa e Bèrdat Tokante Dios?*
- *Kon Bo Por Sa e Bèrdat Tokante Dios?*
- *Kon Dios Ta?*
- *Kon Dios Ke pa Bo Ador'E?*

PROME PARTI

DIKON BO MESTER SA E BERDAT TOKANTE DIOS?

Ta nesesario pa bo sa e bèrdat tokante di Dios:

Dor di Ken Dios Ta

Dios ta e Kreadó, esun ku ta goberná i e Hues di universo.



Komo Kreadó El a traha tur kos ku ta eksistí. Komo esun ku ta goberná E tin sierito leinan pa bon di kada un di su kriaturanan i Su mundu. Komo Hues E lo disidí e rekompensa final di hòmber i muhé segun e manera ku nan a respondé na dj'É. Komo ku Dios ta bo Kreadó, Esun ku ta goberná i Hues, bo mester sa e bèrdat tokante di dj'E i Su plan pa bo.

Dios ta un Tata amoroso tambe; E ta ofresé bo alegría berdadero. Bo mester konos'E pa bo disfrutá di Su amor i bendishonnan.

Pasobra E ta un Kuestion di Bida òf Morto pa Bo

Dios ta e dunadó di Bida. E ta ofresé bo awor un bida mihó, abundante i un bida perfekto ku no ta kaba despues di morto.

Memorisá Esaki

Huan 17:3. I esaki ta bida eterno, ku nan por konos'é Bo, e único Dios berdadero, i Kristu Hesus, kende Bo a manda.



Pasobra pa Agradá Dios, Bo Mester Konos'E

Yunan di Dios stim'E i nan ke agrad'E. Si bo a aseptá Hesus como bo Salvador, bo ta un yu di Dios awor. Lo bo ke konosé bo Tata celestial kada dia mihó, i lo bo ke sa kiko E ta gusta pa asina bo agrad'E den tur kos ku bo hasi. Esaki ta e único manera pa haña satisfakshon di bèrdat den bida, pasobra bo a wòrdu kreá pa hasi kosnan ku ta agradá Dios.

Pa Bo Hasi

Yena e partinan ku ta habrí

Ta importante pa mi konosé e bèrdat tokante di Dios pasobra

- di..... Dios
- ta un kuestion di òf pa mi
- pa..... Dios,
mi mester..... E.
- **Huan 17:3.** i esaki ta : pasobra pa hende konosé Bo, e , i pa konosé esun ku Bo a manda..

DI 2 PARTI

KON BO POR KONOSÉ E BERDAT TOKANTE DI DIOS?

Dor di Mira Su Obranan

Bo por siña algun kos di un persona dor di wak su trabounan. Ora bo wak e mundu ku Dios a krea, bo sa ku E ta hopi sabí i poderoso.



Romanonan 1:20. Pasobra for di kreashon di mundu Su atributonan invisibel, Su poder eterno i naturalesa divino, a wòrdu mirá klaramente, siendo komprondé dor di loke a wòrdu trahá.

Di Otronan

Bo por haña sa e bèrdat tokante di un persona for di esnan ku konos'É personalmente. Den Beibel nos por lesa historianan fasinante di hopi hende ku tabata konos'É personalmente. E tabata papia ku nan, resolvé nan problemanan, i sòru pa nan nesesidatnan. E tabata kura nan kurpa i duna nan forsa i alegría. Dios no a kambia. Awendia den kada kontinente bo por haña miles di persona ku konos'É i ku ta stima Dios. Nan lo bisabo kon maravioso E ta.

1 Huan 1:3. Loke nos a mira i tende nos ta proklamá na boso tambe, pa boso por tin komunion ku nos; i di bèrdat nos komunion ta ku e Tata i ku Su Yu Kristu Hesus.



Di Loke Ku E ta Bisa



Bo por konosé un persona dor di lesa loke el a skirbi i dor di tend'É papia. Dios ta papia ku bo den Beibel. Den dje bo ta deskubrí Su karakter, Su plannan, Su sintimentunan, i Su amor pa bo.

Huan 5:39. Boso ta skrudiñá e Skrituranan.....i ta esakinan ta duna testimonio di Mi.

Dor di Eksperensha Personal

Bo por konosé un hende bon dor di biba, papia i traha huntu kuné. Dios tabata ke pa nos konos'É den manera aki p'esei Ela manda Su Yu Kristu Hesus pa biba meimeí di hòmber i muhé. Hesus ta meskos ku Su Tata, p'esei den dj'É bo por mira e naturalesa di Dios. Bo por konosé Dios dor di Kristu.

Hebreonan 1:1-3. Dios, despues ku El a papia hopi tempu pasá ku e tatanan pa medio di e profetanan, na hopi okashon i na vários manera, den e último dianan aki a papia ku nos pa medio di Su Yu.....E ta e resplandor di Su gloria i e representashon eksakto di Su naturalesa.

Ora bo aseptá Kristu Hesus como bo Salbadó, E lo revelá Dios na bo. Segun bo ta papia kun'É den orashon i lesa Su palabra, lo bo eksperenshá Su presensia i yega na konos'É na un manera ku nunka bo a soña ku tabata posibel.

Huan 14:21, 23..... I esun ku stimaMi lo wòrdú stima dor di mi Tata ; i Ami tambe lo stim'E i revelá mi mes na dj'E... . Si un hende ta stimaMi, e lo warda Mi palabri; Mi Tata lo stim'É, i Nos lo bin serka dj'E i biba serka dj'E.

Pa Bo Hasi

Den e lista aki bou tin sinku manera pa sera konosí ku Dios. Hala un strepi bou di esnan ku bo mester kuminsá hasi òf ku bo mester hasi mas.

- Apresiá su trabou den naturalesa
- Skucha esnan ku konosé Dios i Su Palabra
- Lesa Su buki, e Beibel
- Siña tokante di Su Yu, Kristu Hesus
- Papia personalmente ku Dios den orashon

DI 3 PARTI

KON DIOS TA?

Dios ta un Spiritu Infinito i Eterno

Dios no ta limitá na tempu, espasio i leinan natural manera nos. Semper E tabata i lo keda eksistí. E ta tur kaminda. E sa tur kos i por hasi kualke kos.

Dios Ta Tres Persona den Un

Tin hende ta pensa ku Dios ta un forsa no personal ku ta kontrolá universo, òf un influesha pa hasi bon. Nos sa ku E ta manera un Persona pasobra E ta pensa, sinti i aktua.

De faktu, Beibel ta siña ku Dios ta tres Persona den un, e Trinidat (Dios den tres). Tata, Yu, i Spiritu Santu ta e mesun den naturalesa, poder i propósito. Huntu nan ta traha den harmonia perfekto como un Persona----un Dios.



Mateo 28:19.... Batisá nan den nòmber di e Tata i di e Yu i di e Spiritu Santu.

Dios Ta Amor



Dios ta amor --- amor ta Su naturalesa. E ta stima tur hende. E ta stimabo i ke dunabo loke ta mihó pa bo den bo bida. Anto E ke pa bo biba kun'E den Su kas presioso den shelu.

1 Huan 4:8. Esun ku no ta stima no konosé Dios, pasobra Dios ta amor.

Dios Ta Perfeko

Dios ta kompletamente bon, puru, konfiabel i korekto den tur kos ku E hasi. E ta generoso i amabel.

Mateo 5:48. Boso Tata Celestial ta perfekto.

Dios ta Hustu

Dios ta un hues hustu. Esaki ke men ku semper E ta hasi loke ta korekto. Pasobra E ta stima tur hende, Ela traha un manera pa nan konos'E pa medio di Kristu Jesus. E ta rekompensá esnan ku aseptá Jesus dor di duna nan bida eterno. Esnan ku nenga Jesus i sigui Satanás ta haña e kastigu ku Dios tin pa Satanás. Dor di Jesus, E ke spar nos di piká i di su efektonan. Pero si nos no permiti'E, E por solamente laga nos sinti e resultadonan malu di nos mal akshonnan.

Salmo 19:9..... E huisionan di Señor ta berdadero, nan tur ta kompletamente hustu.

Romanonan 3:26. Dios ta demostrá Su hustisia den e tempu presente, pa E por ta hustu i Esun ku ta hustifiká e hende ku tin fe den Jesus.

Dios sa Tur Kos



Dios konosé pasado, presente i futuro. E ta mira, tende i komprondé tur kos ku ta pasa. E konosé bo pensamentunan i sa dikon bo ta hasi loke bo ta hasi. Dios sa kiko ta mihó pa bo i ke yudabo skohe korekto.

Genesis 16:13. Bo ta un Dios ku ta mira.

1 Huan 3:20. Dios . . . sa tur kos.

Dios Por Hasi Tur Kos

E Kreador a traha sierto patronchinan den Su mundu ku nos ta yama leinan di naturalesa. Tur kos ta funshaná den harmonia ku e patronchinan aki. Dios ta riba e leinan di naturalesa aki i no ta mará na nan. E ta hasi trabounan sobrenatural ku yama milager, kosnan ku ta mas aleu di e poder di hende òf naturalesa.

Hesus a hasi hopi milager tempu ku E tabata riba mundu. Ela kura enfermo, lanta morto, i kambia bidanan. Te ainda E ta e Gran Médiko i ta disfrutá di kura nos tantu den nos kurpa i nos spíritu.

Mateo 19:26.Serka Dios tur kos ta posibel.

Eksodo 15:26.Ami, Senyor , ta bo Sanador.

Pa Bo Hasi

UN di e siguiente formulashonnan NO ta bérdat. Hala un strepi dor di dje..

- Dios stimabo i ke yudabo.
- Dios ta un Hues hustu ku ta kastigá piká.
- Dios no ta personal.
- Dios ta mira i sa tur kos, tur kaminda,

PENSA: Bo ta sintibo bon òf inkómodo di sa ku Dios ta mirabo? Dikon?

DI 4 PARTI

KON DIOS KE PA BO ADOR'E?

Den adorashon nos ta mustra Dios ku nos ta stim'E, honr'E i respet'E. Nos ta gradisi'E pa loke Ela hasi, i nos ta papia kun'É. Den diferente iglesia bo ta mira maneranan diferente kon hende ta adorá Dios. Kon E ke pa bo ador'E? Kiko lo agrad'E?

Sea Honest o i Sinsero

Bo mester ke men loke bo ta bisa. Bo mester kere den Dios i dispuesto pa obedes'E.

Huan 4:24 Dios ta Spiritu, i esnan ku ta ador'É mester adorá den spiritu i bérdat.

Hebreonan 11:6 Esun ku bin serka Dios mester kere ku E ta Esun ku ta rekompensá esnan ku ta busk'E.

Adorá Dios So

Bo Kreador ta e único Dios berdadero. E no ke pa bo hasi orashon na ningun otro Dios, persona, spiritu, imágen òf kosnan.

Eksodo 20:3. Bo no mag di tin otro Dios mi dilanti.



Echonan 14:15; 17:29. Nos ta aki....pa boso laga e kosnan bano aki i kombertí na e Dios bibu. Nos no mester pensa ku e Dios su Naturalesa Divino ta manera un imágen di oro òf plata òf piedra.

Gradisí Dios pa Su Bendishonnan

Den kantika i orashon,i asta den silensio di bo kurason, gradisí Dios pa Su amor i bondat i pa tur Su Bendishonnan na bo.



Salmo 98:1. Kanta un kantika nobo na Señor; El a hasi kosnan maravioso.

Salmo 150:6. Laga tur loke tin rosea alabá Señor.

Adorá ku Humildat pero Ku Fe

Rekonosé ku bo no por hasi bo mes sufisientemente bon pa bin dilanti e Dios santu. Sinembargo, for di momentu ku bo a pidi Hesus pa ta bo Salbador, Dios a pordoná bo i aseptá bo como Su yu. P'esei papia kun'E manera bo ta papia ku bo Tata i bis'E loke sea ta riba bo kurason.

Pa Bo Hasi

- **PENSA:** Mi ta adorá Dios na e kuater maneranan ku ta sugerí den e lès aki? Mi ta plania pa hasi eseí?

*Awor hasi orashon na Dios ku bo mes palabranan, pidi'E pa revelá su mes na bo.
Ador'E.*

Pabien ku bo a kompletá e di 2 Lès.

*Bai na e Resúmen di Pregunta na final di e buki. Kontestá e preguntanan pa Lès 2.
Despues sigui ku bo estudio di Lès 3.*

Ku Dios bendishonábo rikamente !

KIKO BIDA TA ?

DEN E LÈS AKI LO BO STUDIA

- *Dikon Bo a Nase ?*
- *Kon Bo ta Manera Dios?*
- *Kon Bo No ta Manera Dios?*
- *Ki Tipo Di Persona Bo Ke ta?*
- *Kon Bo por Sa Ku Bo ta un Yu di Dios?*

PROME PARTI DIKON BO A NASE?

Loke Bo Mester Sa

Kiko lo bo pensa di un hende ku a purba di uza un sombré di kabana pa un wea di kushiná òf un bòter di glas pa un martín? Kiko lo bo pensa di un hende ku a maluzá hinter tur su bida promé ku ela haña sa di su propósito?

Nos lo ta manera e sombré riba kandela òf e bòter ku a uza pa martin, te ora ku nos pone nos bida pa uz'e pa loke ela wòrdú trahá. Nos ta bai den bida sin haña satisfakshon.

Dios tin un propósito i un plan pa bo bida. E tin un trabou pa bo hasi na mundu i a prepará un kas presioso pa bo den shelu. Bo a nase pa ta útil den e plan di Dios.

Bo a Nase Pa ta Yu Di Dios

Bo a siña ku bo a wòrdú kreá pa e plaser di Dios, pa ta Su yu, disfrutá di Su amor i pa stimÉ bek.

Kualke otro kos ku bo hasi, si bo no tin e aliansa aki ku Dios, bo a pèrdè e propósito prinsipal di bida.

Salmo 16:11 Lo Bo mustrami e berea di bida; den Bo presensia tin plenitut di goso; na Bo man drechi tin delisia pa semper.

Bo a Nase pa Krese den e Semehansa di Dios

Pa bo, un yu di Dios, bida na mundu ta manera un skol pa prepará bo pa eternidat. Bo eksperenshanan ta lèsnan pa ekipá bo pa e partinan ku lo bo tin den Reino di Dios. E problema i difikultatnan ku bo ta eksperenshá awor ta diseñá pa siña bo pasensi, fe i obedensha. Nan ta yudabo pa madurá spiritualmente pa asina bo ta mas manera bo Tata celestial. Laga Dios hasi bo e hende dependiente ku E por uza awor i den futuro.

2 Timoteo 2:12. Si nos pèrseverá, nos lo reina tambe kun'E.

Bo A Nase Pa Traha ku Dios

Bo a nase un sierto dia, un sierto kaminda i un sierto hende , pa asina bo por ta un bendishon pa bo famia, bo komunidat, bo pais i pa mundu. Dios ke pa bo ta su partner i traha huntu kun'E. E lo yudabo trese otronan na Kristu Hesus i E lo yudabo tin un mihó bida den dj'E.

Efesionan 2:10. Pasobra nos ta e obra di Su man, kreá den Kristu Hesus pa bon obranan, kualnan Dios a prepará di antemano pa nos kana den nan.

Pa Bo Hasi

- Dios a duna mi bida pa asina mi por ta; Su , krese den Su , i ku n'E komo Su partner.

Puntra bo mes:

- Mi bida ta agradá Dios di bérdat?
- Mi ta azeptá sufrimentu i difikultat pa desaroyá pasensi i oportunidat?
- Mi ta hasi loke mi por pa yuda otronan?
- Mi ta biba manera ku morto ta e e final di tur kos, òf mi ta uza mi bida como preparashon pa eternidat?
- Mi ta disfrutá di komunikashon ku Dios?
- Mi a kuminsá sigui e plan di Dios den mi kas i komunidat?

DI 2 PARTI

KON BO TA MESKOS KU DIOS ?

Dios a Dunabo un Spiritu Trahá na Su Semehansa

Dios a traha e kurpa di Adam for di tera, i dun'e un naturalesa terenal meskos otro kriaturalan den mundu. Abo a heredá e naturalesa terenal ei. E bida interno di Adam, su spiritu, a bin di e rosea di Dios. E spiritu di Adam tabata manera Dios. Bo spiritu, tambe, den hopi manera ta meskos ku Dios.

Memorisá Esaki

Genesis 1:26; 2:7. E ora ei Dios a bisa: Laga Nos traha hende segun Nos imágén, konforme Nos semehansa;E ora ei Señor Dios a forma hende di e stòf di tera i a supla e rosea di bida den su nanishi;i hende a bira un ser bibu.

E imágén di Dios den Bo ta wòrdú demonstrá na Diferente Manera

E spiritu speshal aki ta hasi bo diferente for di animalnan. Nos ta yam'e imagen di Dios den ser humano.

Bo por mira e imágén di Dios den:

- Bo naturalesa moral: nifikashon di bon i malu.
- Bo naturalesa estética : amor pa bunitesa
- Bo naturalesa intelektual: deseo pa sa e bérdat, abilidat pa rasoná, poder di papia i komuniká.
- Bo naturalesa spiritual : deseo pa adorá i abilidat pa tin un aliansa ku Dios.
- Bo naturalesa kreativo: deseo pa mehorá loke ta rondó di bo. Hende ta traha edifisionan haltu, koba riunan, hasi elektrisidat uzabel , i inventá mashin pa traha pa nan.
- E ta krea bunitesa den muzik, arte, arkitektura, poesia, kansion, moveshon i obra di su man.

Esakinan ta bin di naturalesa di Dios i ta hasibo hopi diferente for di animalnan. Nan ta mustra ku bo a nase pa ta yu di Dios i ku E tin un propósito speshal pa bo bida.

Pa Bo Hasi

- E spiritu ku Dios a pone den hende ta un refleho di Su..... i ta hasi nos diferente di
- Nos ta mira markanan di Dios den hende den su : amor pa bunitesa òf naturalesa es.....; abilidat pa rasoná, òf naturalesa int.....; invenshon, òf naturalesa kr.....; sentido di bon òf malu òf naturalesa mo..... ; buska Dios, òf naturalesa sp..... .

Bo por mira kon e abilidatnan aki ta hasi bo hopi diferente for di e sobra kreashon di Dios. Pensa riba algu ku bo a hasi ku ta un ehèmpel di kada abilidat ku Dios a duna. Bo tin hopi ideanan i poder ku ningun otro kriatura tin. Un makaku no por skirbi un buki; un leon no por manehá un jet. Gradisí Dios pa kada parti di bo naturalesa ku ta laga bo ta manera E.

DI 3 PARTI

KON BO NO TA MANERA DIOS?

Bo tin un Kurpa Físiko



Dios ta un Spiritu infinito, eterno, todopoderoso. E no ta limitá na tempu òf espasio. E no ta muri nunka. Bo spiritu ta biba den un kurpa ku ta limitá na forsa, ku por ta solamente un kaminda kada bia, i ku lo muri un dia. Apesar di eseí, e kurpa ta un regalo presioso di Dios pa bo. Pa motibu ku bo tin un kurpa, bo por traha pa Dios de tal manera ku lo tabata imposibel si bo tabata djis un spiritu. Bo mester kuida bo kurpa bon pasobra ta un kas pa bo spiritu i un tèmpel pa Dios uza.

1 Korintionan 6:19, 20. Of boso no sa ku boso kurpa ta e tèmpel di Spiritu Santu, Kende ta den boso.....? P'esei glorifiká Dios den boso kurpa.

Tin hende ta kulpa nan kurpa pa e kosnan malu ku nan ta hasi. Tin hende ta kastigá nan kurpa pa trata na mustra ku nan ta hasi bon. Bo kurpa no ta ni bon ni malu. E ta manera un hèrmènt ku bo ta uza. Abo ta disidí kiko bo ta hasi ku bo kurpa. Bo por uza bo kurpa pa sea bon òf malu, pa Satanas òf pa Dios. Dios ta uza Su Spiritu pa bon so.

Romanonan 12:1.....presentá boso kurpanan como sakrifisio bibu i santu aseptabel pa Dios, kual ta boso sirbishi spiritual di adorashon.

Sòru pa kontrolá bo kurpa. E ta un bon sirbidó pero un mal maestro. Si bo permití su nesesidatnan físiiko regla bo bida, lo bo tin problema. Bo por asta bira un esklabo di kustumbernan ku lo destruí bo salú i ku ta lagabo hasi kosnan pekaminoso ku ta malu i ku ta laga Dios rabia. Ora bo negliahá e nesesidatnan spiritual di bo naturalesa spiritual i biba solamente pa satisfasé deseongan di bo kurpa, bo ta bira mas i mas menos manera Dios.

Piká a Destruí Bo Naturalesa

Piká a mancha e imágén di Dios den bo. Hende ta bira mas malu ora nan ta purba di regla nan mes bida i ignorá Dios su propósito pa nan.

Galatonan 5:19-21. Awor e obranan di karni ta evidente, kuanan ta : inmoralidat, impuresa, sensualidat, idolatria, bruheria, hostilidat, bringamentu, pleitamentu, desakuerdo, doktrina falsu, envidia, buracheria, parandiamentu, i kosnan asin'áki , di kuanan mi a spierta boso kaba di antemano, ku esnan ku praktiká sorto di kosnan asina lo no eredá e Reino di Dios.

Bo No por Agradá Dios ku bo Propio Esfuersonan

Dios tin un bon propósito pa bo. Pero a menos ku E yudabo, lo bo no ta apto pa sigui'e. Ni maske kuantu bo purba, nunka lo bo no ta suficiente fuerte pa hasi loke ta agradá Dios tur ora. E lo mester kambia bo.

Romanonan 7:18-20. Pasobra mi sa ku no tin nada bon ta biba den mi ---- esta den mi

karni;pasobra e deseó ta presente den mi, ma e hasimentu di bon sí no téi. Pasobra e bon ku mi ta deseá di hasi, mi no ta hasi; ma mi ta praktiká eksaktamente e maldat ku mi no ta deseá di hasi,sino ta e piká ku ta biba den mi.

Bo Ta Asina NO Manera Dios Ku Bo Mester Wordu Renobá i Kambiá Di Paden

Bo no por kambia bo mes dor di djòin un iglesia òf di purba ta bon. Ta mester di Dios pa yudabo. Si bo permiti'E, E lo manda su Spiritu Santu pa restourá Su naturalesa den bo. Ta asina so lo bo ta kapas pa agrad'E.

Pa Bo Hasi

Lesa e sekshon aki atrobe miéntras bo ta buska maneranan den kua bo NO ta manera Dios. Pone un strepi bou di kualke kos ku bo NO ke den bo bida.

- Nos kurpa ta un maraviosos di Dios.
- Nos a bira mas i mas menos manera Dios si nos laga nos..... goberná riba nos.
- Bo por agradá Dios dor di bo mes esfuersonan?

DI 4 PARTI

KI TIPO DI HENDE BO KE TA?

Un pida klei por ta òf un klòmpi mahos òf un piesa di porselana fini. E loke ku ta sali ta depende di e deseongan di e doño i e abilidat di e alfarero.

Si naturalesa humano kue su mes kaminda e ta bai di malu pa pió. E ta bira un plas di pensamentun sushi yen di rabia i aktonan malu. Sinembargo, den e mannan di Dios, e Alfalero Maestro, bo bida por bira ehèmpel di un bunitesa inkreibel i di bon uzo.

Romanonan 12:2 No sea konforme e mundu aki, ma sea transformá pa medio di e renobamentu di boso mente, pa boso por komprobá kiko ta e bon i agradabel i perfekto boluntat di Dios.

Pa Bo Hasi

- Bo ke pa Dios renobá bo i kambia bo di paden?
..... Ku bo mes palabranan , puntr'E pa hasi'e.
- Si bo ta un kristian kaba, kisas bo ke kita for di loke bo sa ku no ta agrad'E i bira mas manera Dios. Si ta asina, kont'E anto di nan i pidi'E yudansa.

DI 5 PARTI

KON BO POR SA KU BO TA UN YU DI DIOS?

For di ora bo aseptá Kristu Hesus komo bo Salvador, Dios ta aseptá bo como Su yu. E ta hasi bo konsiente di esaki na tres manera:

- Dor di Su palabra ku ta bisa asina
- Dor di e siguransa interno di e testimonio di Spiritu Santu
- Dor di e kambio den bo bida



**1 Huan 5:10-12. Esun ku kere den e Yu di
Dios tin e testimonio den su mes....Ku
Dios a duna nos bida etérno, i e bida aki
ta den Su Yu. Esun ku tin e Yu tin e bida.**

**Romanonan 8:16. E Spiritu mes ta duna
testimonio huntu ku nos spiritu ku nos ta
yu di Dios.**

**1 Huan 3:14. Nos sa ku nos a pasa di
morto pa bida, pasobra nos ta stima nos
rumannan.**

Pa Bo Hasi

- Bo a aseptá Hesus komo bo Salvador?
.....
- Bo sa ku bo ta un yu di Dios?
.....
- Kere loke e Palabra di Dios ta bisa tokante
di eseis i gradisi'E awor ku Ela hasi bo Su
yu.

Pabien ku bo a kompletá Lès 3.

*Kontestá e preguntanan di Lès 3 den e
Resúmen di Lès di preguntanan na final
di e buki. Despues sigui ku estudio
di Lès 4.*

Dios bendishonábo rikamente!

Kon Bo Por Yega na Bo Nesesidat di Mas Grandi?

Den E Lès Aki Lo Bo Studia

- *Kiko Ta Bo Nesesidat Di Mas Grandi?*
- *Kon Hesus Ta Yega Na Bo Nesesidat di Mas Grandi?*
- *Hesus Ta Bo Salvador?*
- *Kiko Ta Di Bo Otro Nesesidatnan?*

DI PROME PARTI

KIKO TA BO NESESIDAT DI MAS GRANDI?

E ta pa Bo Kurpa òf Bo Alma?

E hende ku ta pèrdí den desierto òf den selva òf ku ta drif riba un flòt den oséano, mester wòrdú hañá i reskatá. E hende ku tin hamber mester di kuminda; E hende kondená mester di pordon. E hende ku a wòrdú venená mester di un antidòt.

Ounke e nesesidatnan aki ta vital, bo tin unu muchu mas grandi. Bo ta muchu mas ku un kurpa. Bo tin un naturalesa spiritual, un alma. Bo alma ta e fuente di bida berdadero den bo. Sinembargo, sin Dios, e ta keda destruí. Bo ta manera un hende ku ta muri di set. Bida i salú di bo alma ta mas importante ku e nesesidat di mas urgente di bo kurpa.

Romanonan 5:12. P'esei, meskos ku dor di ún hende piká a drenta mundu, i morto dor di piká, i asina morto a pasa pa tur hende, pasobra tur a peka.

Bo Nesesidat di Mas Grandi ta Un Salvador

Beibel ta siña nos ku alma di hende ta pèrdí, yen di hamber, malu pa muri, i kondená na morto. Hende mester di un Salvador pa hañ'é, dun'é kuminda, kur'é i pordon'é. Un salvador ta bo nesesidat di mas grandi pasobra bo no por salba bo mes.

- Bo mayornan Kristian no por salbabo.
- Bira miembro di un iglesia no por salbabo.
- Purba di ta bon lo no salbabo.
- Sin un Salvador, bo no por wòrdú salbá.

Pa Bo Hasi

- Kua frase ta deskribí e problema di mas grandi ku un hende por tin? Pone un strepi bou di dje: malesa físiko, morto spiritual, falta di kuminda.
- Ami, (pone bo nòmber) por tin hopi nesesidat, pero mi nesesidat di mas grandi ta papasobra mi no.....mi mes di piká i morto.
- Si bo a aseptá Kristu Hesus kaba como bo Salvador, tòg e Lès aki ta masha importante pa bo. E ta konta kon E lo yudabo dia pa dia.

DI 2 PARTI

KON HESUS TA YENA BO NESESIDAT DI MAS GRANDI?

Hesus ta e Salvador ku Dios a Manda pa Bo

Dios a manda Su Yu pa haña, alimentá i kura bo alma enfermo, hambrá, ku tabata pèrdí den piká. Ela bira hende pa asina E por muri den bo lugá i dunabo pordon. Su nòmber ta Hesus, ku ta nifiká Salvador. Ta E so por salbabo.

Memorisá Esaki

Echonan 4:12. I no tin salbashon den ningun otro nòmber ku a wòrdú duná na hende, pa medio di kual nos mester wòrdú salbá.

Hesus ta Mustrabo e Bèrdat i e Kaminda

Satanás a hasi nos mente konfuso ku eror i inkredulidat. Nos a hala for di Dios i pèrdè nos kaminda. Diabel ta purba pa laga nos duda den Dios su palabra, poder, sabiduria, bondat, i amor. Asta tin hende ku ta duda ku tin un Dios.

2 Korintionan 4:4. E Dios di e mundu aki a siega mente di esnan ku no ta kere, pa nan no mira e lus di e evangelio di e gloria di Kristu Kende ta e imágen di Dios.

Satanás ta gaña hopi hende ku religionnan falsu. Asta tin hopi ku ta hasi orashon na spiritu òf imágennan.

Romanonan 1:23. 23 i a kambia e gloria di e Dios inkoruptibel pa un imágen den forma di hende koruptibel--i para i animal di kuater pia i bestia ku ta lastra.

Satanás ta gaña nos tokante kiko ta bon pa nos i kiko ta bon òf malu. Nos ta bai den mal kaminda pa buska felisidat i ta haña morto na su lugá.

Hesus, kontrali na Satanás, a bin pa buska nos i guia nos bèk na Dios, na felisidat i bida eterno. Den djE i Su siñansa bo ta siña e bèrdat i bira liber di inkredulidat i eror.

Memorisá Esaki

Huan 14:6. Hesus a bis'ë: “Ami ta e kaminda, i e berdat i e bida; ni un hende no ta bin serka e Tata, sino pa medio di Mi”.

Lukas 19:10. Pasobra e Yu di Hende a bin pa buska i salba loke tabata pèrdí.

Huan 8:12. Ami ta e lus di mundu. Esun ku siguiMi lo tin e lus di bida.

Huan 8:32. I boso lo konosé e bèrdat, i e bèrdat lo hasi boso liber.

Si kualke hende bin serka Dios sinseramente pa sa e bèrdat i ta dispuesto pa siguié, Dios lo mustr’ë. Lesa Beibel i hasi orashon ku un mente habrí; sea dispuesto pa hasi loke Dios ke.

Huan 7:17. Si un hende kier hasi Su boluntat, e lo sa.

Efesionan 4:23-24. I pa boso wòrdú renobá den e spiritu di boso mente i pa boso bistí e hende nobo ku a wòrdú kreá segun Dios den hustisia i santidad berdadero.

Pa Bo Hasi

Kontestá ku e palabra Hesus òf Satanás

- Ken ta hasi nos siegu pa loke ta bon?
- Ken ta mustra nos kon Dios ta?
- Ken ta libra nos di eror i inkredulidat?
- Ken ta laga nos duda di e Palabra di Dios?.....
- Ken ta hiba hende na religionnan falsu?

Orashon

Danki Dios , pa manda Bo Yu Hesus pa siña mi e bèrdat. Por fabor mustrami e bèrdat i yudami pa siguié, kueste lo ke kueste.

Hesus ta Kura e Piká Mortal di Bo Kurason

Bo a siña kaba ku piká ta desobediensia na òrdunan di Dios. Ke men ku e piká grandi di tur tempu lo ta pa desobedesé e mandamentu di mas importante di Dios, òf nò? Hesus a bisa nos kua esaki ta.

Mateo 22:37-39. “Stima Señor bo Dios ku henter bo kurason, i ku bo alma, i ku henter bo mente”. Esaki ta e gran mandamentu i e promé. I e di dos ta semehante “Stima bo próhimo manera bo mes”.

Nos tur a kibra ku e dos mandamentu di mas importante di Dios. Egoismo,rais di tur piká, a yena nos kurason i paga nos amor. Nos a paga e amor di Dios bèk ku indiferensha i ingratitud. Nos ta pensa muchu mas riba nos mes ku riba Dios òf otronan. Est'un pekador nos ta! Nos kurason egoista ta kousa konflikto i problema entre individualnan i nashonnan. Piká den kurason ta produsí un mundu pekaminoso.

2 Timoteo 3:2-4. Pasobra hende lo ta stimadó di nan mes, stimadó di plaka, gabadó, arogante, blasfemadó, desobedesido na mayornan, ingrato, impio, sin amor, inrekonsialiabel, ku mala lenga, sin dominio propio, grosero, odiadó di loke ta bon, traidó, imprudente, sobèrbè, mas bien stimadó di plaser ku stimadó di Dios.

Hesus a bin pa sanabo di piká i yena bo ku amor di Dios.

1 Huan 1:9, 7. Si nos konfesá nos pikánan, E ta fiel i hustu pa pordoná nos, nos pikánan i pa limpia nos di tur inhustisia. Ma si nos ta kana den lus meskos ku E mes ta den lus...nos tin komunion ku otro, i e sanger di Hesus, Su Yu, ta limpia nos di tur piká.

Romanonan 5:5. E amor di Dios a wòrdú dramá den nos kurason dor di Spiritu Santu.

Pa Bo Hasi

- Bo a kibra e dos mandamentunan di mas grandi di Dios?
- Lesa 2 Timoteo 3:2-4 atrobe i hala un strepi bou di kada piká ku ta menshoná pa kua bo ta kulpabel di dje a lo menos un biahá den bo bida.
- Pidi Dios pa pordoná bo i yena bo kurason ku Su amor.

Hesus ta Kibra e Poder di Piká i di Satanás

Piká a debilitá nos forsa di boluntat te ora nos no por hasi loke nos sa ku nos mester hasi.

Huan 8:34 Ken ku kometé piká ta esklabo di piká

Romanonan 7:14, 15, 18. Ami ta...bendí como esklabo di piká...Mi no ta praktiká loke mi ke hasi, ma mi ta hasi eksaktamente loke mi ta aboresé...pasobra e deseo ta presente den mi, ma e hasimentu di bon sí no t'ei.

Hesus ta kibra kadenanan di piká i ta libra nos di mal kustumberan. E ta liberá nos di rabia sin kontròl, inmoralitat , hòrta i gaña ; E ta liberá nos di adikshonnan peligroso manera alkohòl, sigaria, droga, i gèmbel. E ta kibra e poder di spiritu malu i di Satanás.

Memorisá Esaki

Huan 8:36. Pasobra si e Yu hasi boso liber, di bérdat boso ta liber.

Hesus a Tuma Bo Lugá-Sigurá Bo Pordón

Pasobra Dios ta hustu, E no por ignorá piká. Morto ta e kastigu di Dios pa piká meskos ku e resultado di piká. Pero Dios ta stimabó asina tantu ku E la manda Su Yu pa muri den bo lugá. Ora Hesus a muri, tabata manera ta abo a muri. Pasobra Ela lanta atrobe i bai shelu, bo tambe por hasié.

1 Pedro 2:24. i E mes (Kristu) a karga nos pikánan den Su kurpa na e krus, pa nos, siendo morto pa piká, por a biba pa hustisia

Galatians 2:19, 20. Pasobra dor di Lei mi a muri pa Lei, pa mi por biba pa Dios. Mi a awòrdú krusifiká ku Kristu; i no ta ami ta biba mas, ma Kristu ta biba den mi; i e bida ku mi ta biba awor den karni, mi ta biba pa medio di fe den e Yu di Dios, Kende a stimami, i a entregá Su mes pa mi.

Ora bo aseptá Hesus como bo Salbador, bo ta aseptá Su morto como bo morto, i Su bida como bo bida. Na e momento ei mes bo ta bira un yu di Dios. Piká a separá bo un biahá for di Dios, pero pa medio di Hesus bo a risibí pordon, bida nobo, i aliansa ku Dios, como si fuera nunka bo a peka.

Pa Bo Hasi

- Mi no mester muri pa mi pikánan pasobra Hesus
- Si bo tin kualke kustumber pa kua bo ke pa Hesus librabo di dje, papia kunE tokante di dje den orashon i pidiE pa liberá bo.

DI 3 PARTI

HESUS TA BO SALBADOR?

Ta keda na abo pa disidí

Hesus ta dispuesto pa ta bo Salbador, pero E lo no fòrsa bo pa asept'E.

Awor ta e momento pa asept'E

Si bo no a aseptá Hesus ainda komo bo Salvador, hasié awor. Awor ta e mihó tempu. Despues por ta muchu lat.

Fuera di eseí, bo ke disfrutá kada dia ku ta posibel di e bida nobo presioso kunE. Awe E ta batí na porta di bo kurason; lagu'E drenta.

Revelashon 3:20. Ata! Mi ta para na porta i ta batí.

Hebreonan 3:15. Awe, si bo tende Su bos, no hasi boso kurason duru.

2 Korintionan 6:2. Mira, awor ta "e tempu aseptabel" mira "awor ta e dia di salbashon "

Pa Bo Hasi

- Hesus ta djis banda di bo i E por tende bo orashon. Ku bo mes palabranan, yam'E danki ku E la muri pa bo pikánan, i pidiE pa ta bo Salvador. Si bo a hasi esaki kaba, gradisiE pa e manera ku e ta yena bo nesesidatnan di mas grandi.

Hesus Lo Ta Bo Sanadó

Te ainda E ta kura enfermonan dor di kontestá orashon

Echonan 10:38. Hesus.....a bai ròn....kurando.

Hebreonan 13:8. Kristu Hesus ta meskos ayera i awe i pa semper.

Pa Bo Hasi

- Gradisi Dios pa Su kido i pidi Su yudansa pa kualke problema ku bo por tin.

PABIEN KU BO A KOMPLETÁ LÈS 4

Bai na e Evaluashon di Lésnan na final di e buki. Kontestá e preguntanan pa Lès 4. Despues sigui ku bo estudio di Lès 5.

Ku Dios bendishonábo rikamente !

PARTI 4

KIKO AWOR DI BO OTRO NESESIDATNAN?

Bo Tata ta Sòru pa Bo

Mateo 6:31-33. No prekupá boso mes anto , bisando: "Kiko nos lo kome? Of "Kiko nos lo bebe? Óf Kiko nos lo bistí?" Pasobra tur e kosnan aki e paganonan ta buska; ma boso Tata celestial sa ku boso tin mester di tur e kosnan aki. Ma buska promé e reino di Dios i Su hustisia, i tur e kosnan aki lo wòrdú añadí na boso.

Papia Ku Dios Tur Dia tokante Bo Nesesidatnan

Filipensenan 4:6. No prekupá pa nada; ma den tur kos, pa medio di orashon i súplika ku gradisimentu, laga boso petishonnan ta konosí dilanti di Dios.

Kiko ta Pasa

Despues di Morto?

DEN E LÈS AKI LO BO STUDIA

- *Despues di Morto-Kiko?*
- *Kon Shelu i Fièrnu ta?*
- *Kon Importante Bo Eskoho Ta?*
- *Kon Bo Por Bai Shelu*

PROME PARTI

DESPUES DI MORTO-KIKO?

E Inisio, Kondishon Temporal

Kiko ta pasa ora bo muri? Bo spiritu ta sali for di bo kurpa físiko. Bo kurpa ta keda akinan, como ku e ta trahá pa keda den e mundu aki. Sinembargo bo spiritu semper lo ta totalmente konsiente.

Si bo a aseptá Hesus Kristu, lo bo ta kunE mesora. Pero si bo a ninga e oferta di Dios pa bida eterno, lo bo bai na e lugá ku yama Fièrnu . Fièrnu a wòrdú prepará pa Satanás i tur esnan ku siguié.

Luke 16:22, 23. Awor a sosodé ku e hòmber pober a muri i el a wòrdú hibá dor di e angelhan den skochi di Abraham. . . E hòmber riku tambe a muri..I den fièrnu... den tormento.

E kurpanan ku nos tin aworaki no ta adekuá pa den shelu. Nan ta “kasnan” temporal ku a keda duná na nos pa nos bida na mundu. Ora nos muri nos ta laga nan atras. Dios a prepará un tipo di kurpa òf kas nobo pa nos, un ku ta pas den Su kreashon nobo.

2 Korintionan 5:1. Pasobra nos sa ku si e tènt terenal, ku ta nos kas, wòrdú basha abou, nos tin un edifisio di Dios, un kas no trahá ku man, eterno den e shelunan.

Resurekshon

Hesus ta bini bèk atrobe, probablemente pronto, pa esnan ku ta pertenesé na djE. E tempu ei, esnan ku a asept'E lo wòrdú kambiá. Nos lo haña kurpanan nobo manera esun di djE. Bo spiritu lo lanta den un kurpa nobo, meskos ku ora un leli ta sali for di su bòl.

Huan 11:25. Hesus a bis'e, “Ami ta e resurekshon i e bida; esun ku kere den Mi lo biba, maske ku e muri”.

1 Korintionan 15:42, 43. Asina e resurekshon di e mortonan tambe ta. Kurpa ta wòrdú sembrá den korupshon i ta wòrdú lantá den inkorupshon; ta wòrdú sembrá den desonor, ta wòrdú lantá den gloria; ta wòrdú sembrá den debilidat, ta wòrdú lantá den poder

Filipensenan 3:20, 21. Nos ta spera ansiosamente pa un Salvador, e Señor Hesus Kristu, Kende lo transformá nos kurpa despresiabel pa e bira meskos ku Su kurpa glorioso.

Memorisá esaki

1 Tesalonisensenan 4:16, 17. Pasobra Señor mes lo baha for di shelu ku un gritu. E mortonan den Kristu lo lanta promé; e ora ei nos ku ta na bida, i ku a keda, lo wòrdú tumá den e nubianan huntu ku nan pa kontra ku Señor den laria, i asina nos lo ta semper ku Señor.

E Stul di Huisio di Kristu

Komo yunan di Dios nos lo wòrdú huzgá di akuerdo ku loke nos a hasi na mundu i pakiko nos a hasié. Lo tin rekompensa pa servisio fiel. Dios lo duna nos sierto responsabilidat i previlegian den Su Reino eterno.

2 Korintionan 5:9, 10. P'esei nos ta hasi esaki..., pa ta agradabel na djE. Pasobra nos tur mester aparesé dilanti di e tribunal di Kristu, pa kada un wòrdú rekompensá pa su echonan den e kurpa segun loke el a hasi, sea bon òf malu.

E Milenio

Despues di e promé huisio, Hesus lo bin bèk riba tera ku su siguidónan. E demoño lo ta den prison pa mil aña.

Hesus lo lanta Su reino i goberná riba tera pa mil aña presioso di pas i prosperidat. E periodo di tempu aki ta wòrdú yamá Milenio. Asta e animalnan salbahe lo biba na pas ku otro i ku hende.

Revelashon 20:4. I nan a bolbe biba i a reina ku Kristu pa mil aña.

Isaias 11:6. Lo bo lo ta huntu ku lamchi di karné, leopardo lo kai drumi banda di lamchi di kabritu, i bishé...i un mucha chikitu lo guia nan.

Isaias 35:1, 5-6, 9-10. Tera seku i desierto lo ta kontentu, i Arabá lo regosihá i floria manera rosa. E ora ei wowo di e siegunan lo mira, i orea di e surdunan lo tende. Anto kohonan lo bula manera biná, ...i esnan redimí di Señor ...nan lo haña alegría i goso i tristesa i suspiro lo hui bai.

E Resurekshon i Huisio di esnan no salbá

Despues di Milenio i e konflikto final entre Kristu i Satanás, lo tira e demoño den lago di kandela. Despues mortonan ku no a aseptá Dios su plan di salbashon lo haña bida atrobe i lo wòrdú husgá. Tur esnan ku a insistí pa sigui Satanás na lugá di Dios lo mester bai na e lugá di kastigu prepará pa diabel.

Revelashon 20:11, 12, 15. I mi a mira un gran trono blanku i Esun ku tabata sintá riba dje,...I mi a mira e mortonan, grandi i chikitu, pará dilanti di e trono. I bukinan a wòrdú habrí;...I e mortonan a wòrdú husgá for di loke tabata pará skirbí den e bukinan. I si un hende su nòmber no a wòrdú hañá skirbí den e buki di bida, el a wòrdú tirá den e lago di kandela.

E Estado Eterno

Esnan hustu (esnan ku ta bon ku Dios i ku ta Su yunan) lo disfrutá pa semper di loke Dios a prepará pa nan. Esnan ku a rechasá Su salbashon lo ta separá pa semper di Dios.

Mateo 25:46. I esakinan lo bai den kastigu eterno, ma e hustunan den bida eterno.

Pa Bo Hasi

Skohe e palabra korekto

- Despues di morto e spiritu ta(konsiente, inkonsiente).
- Esnan ku no a aseptá Dios su plan di salbashon ta bai(shelu, fièrnu).
- Despues di morto, esnan ku a aseptá Kristu lo sigui biba den(shelu, fièrnu).

DI 2 PARTI

KON SHELU I FIERNU TA?

Un di e dos lugánan lo ta bo kas eterno: shelu òf fièrnu. E palabra *fièrnu* ta referí na ambos fièrnu i na e lago di kandela.

FIERNU	SHELU
Separashon For di Dios	Na Kas ku Dios
Mateo 25:41 Apartá boso for di Mi, boso maldishonanan !	Huan 14:2. Den e kas di Mi Tata tin hopi lugá di biba.... i Mi ta bai prepará un lugá pa boso.
	Revelashon 21:3. Mira, e tabernakel di Dios ta meimei di hende...., E lo biba mei mei di nan i nan lo ta su pueblo.

Tur kos bon ta bin di Dios. Serka djE tin lus, bida, bunitesa i goso. Separá di djE, tin skuridat, sufmentu, ferdrit i morto.

FIERNU	SHELU
Sufrimentu	Felisidat Perfekto pa semper
Luke 16:23, 24. I den fièrnu, siendo den tormento.....i ela grita”mi ta sufri agonia den e flam di kandela aki”.	Revelashon 21:10, 11, 16, 18. E stat santu ... yen di e gloria di Dios tabata 2200 kilometer, su largura i hanchura i haltura ta igual.... E stat tabata di oro puru.
Mateo 25:30. Tira e esklabu den e skuridat di pafóden e lugá ei lo tin yoramentu i mordementu riba djente.	Revelashon 22:5. I lo no tin anochi mas, ... Señor Dios lo iluminá nan, i nan lo reina pa semper
Revelashon 20:10. I nan lo wòrdú tormentá di dia i anochi pa semper i semper.	Revelashon 21:3, 4. Dios mes... lo seka tur lágrima kita for di nan wowo;lo no tin lamento mas, ni yoramentu, ni doló.

Pensa ki tipo di bisiña nos lo tin ora nos skohe nos kas pa eternitat.

FIERNU	SHELU
Mateo 25:41.... Bai den e kandela eterno ku a wòrdú prepará pa Diabel i su angelnan!	Huan 14: 3. Hesus a bisa nan, ... “Lo mi bin atrobe i risibí boso serka Mi, pa kaminda Mi ta boso tambe por ta.”
Revelashon 21:8 Ma e kobardenan, inkrédulonan, abominabelnan, matadónan, fornikadónan i e hasidónan di bruha, i e adoradónan di dios falsu i tur gañadó----nan parti lo ta den e lago ku ta kima ku kandela i swafel.	Hebreonan 12:22, 23. Boso a yega na ..., e stat di e Dios bibu, e Yerusalèm celestial i na miyares di angelnan. Bosnan a yega na e asamblea di e iglesia di e primogénitonan Boso a yega na Dios....i na e spiritunan di hendenan hustu ku a wòrdú hasí pèrfekto.

Pa Bo Hasi
• Banda di e versíkulonan di Beibel den e di 2 Parti , skirbi NO na kada frase ku ta papia di algu ku bo no ke den bo kas eterno òf ku lo bo no ke eksperenhá. Skirbi SI kaminda loke bo ke.

DI 3 PARTI

KON IMPORTANTE BO ESKOHO TA?

No kulpa Dios pa manda un hende fièrnu. E ke salba tur hende, pero kada persona mester skohe entre shelu i fièrnu.

Deteronomio 30:19, 20. Mi a pone bida i morto boso dilanti.....Skohe bida. Stima Señor bo Dios dor di obedesé i dor di tene duru na djE.

Sea bo skohe shelu òf fièrnu, otronan lo siguibo.
Pensa riba bo famia i amigunan. Na unda bo ke guia nan?

Pa Bo Hasi
• Gradisí Dios pa manda Hesus pa salbaboo. Hasi orashon pa kualke famia òf amigu di bo ku ta na kaminda pa fièrnu. Pidi Dios pa yuda bo spierta nan i guia nan na e Salbador.

DI 4 PARTI 4

KON BO POR BAI SHELU?

Si bo ke guia otronan na shelu, sòru promé pa abo mes, a tuma e pasonan ei. Despues siña bo amigunan pa hasi eseí.

Sali for di e Kaminda Robes

Nos tur a kana den e kaminda di PIKA leu for di Dios rumbo pa fiernu Awor nos a bira lomba pa piká, determiná pa obedesé Dios i sigui Su kaminda. Nos a pidi Su pordon pa nos desobedensia. Esaki ta arepentimentu, e promé stap pa shelu.

Nos mester rekonosé e malu ku nos a hasi na otronan i hasi loke nos por pa drech' é. Nos mester pordoná nos enemigunan, pidi pordon na esnan ku nos a hasi daño, debolbé loke nos a hòrta. Segun nos ta konfesá tur nos pikánan na Dios, E lo pordoná nos i yuda nos den tur lokual nos mester hasi.

Memorisá Esaki

1 Huan 1:9. Si nos konfesá nos pikánan, E ta fiel i hustu pa pordoná nos nos pikánan i pa limpia nos di tur inhustisia.

1 Pedro 3:9. no pagando malu ku malu òf insulto ku insulto, ma mas bien dunando un bendishon; pasobra boso a wòrdú yamá pa e propósito aki pa boso por a eredá un bendishon.

Rekonosé e Kaminda Korekto

Dios a dunabo un mapa di kaminda, e Beibel. E ta bisa ku Kristu Hesus ta e kaminda. SiguE.

Memorisá Esaki

Huan 14:6; 6:37. Hesus a bis' é: "Ami ta e kaminda, i e bérdat, i e bida; ni un hende no ta bin serka e Tata, sino pa medio di Mi..... i esun ku bin serka Mi, sigur-sigur lo Mi no tir'afó.

Skohe e Kaminda Korekto

Esaki ke men pa aseptá Kristu Hesus e Yu di Dios komo bo Salbador i Señor di bo bida. Kere ku E ta aseptá bo tambe, i konfia den djE.

Memorisá Esaki

Echonan16:31. "I nan a bisa: "Kere den Señor Hesus i lo bo ta salbá".



Huan 20:31. Ma esakinan a wòrdú

skirbí pa boso kere ku Hesus ta e Kristu, e Yu di Dios; i pa keriendo, boso por tin bida.

Sigui e Kaminda Korekto te na Final

Sigui Hesus henter bo bida. E lo guiabo i yudabo segun bo ta lesa e Beibel i hasi orashon.

1 Pedro 2:25. Pasobra boso tabata dwal manera karné, ma awor boso a bolbe serka e Wardadó i Kuidadó di boso alma.

Pa Bo Hasi

*Den e parti di e lès aki, bai shelu a wòrdú
deskribí manera un biae*

- Personalmente, bo a tuma e pasowan ku lo hibabo shelu ?
- Si no ta asina, lo bo hasié awor?
- Skohe un amigu òf miembro di bo famia i splika e pasowan di e biae na dje.

Pabien pa kompletá Lès 5.

*Bai na e Paginanan di Evaluashon na final di e buki. Kontestá e preguntanan pa Lès 5.
Despues sigui ku bo estudio di Lès 6.*

Ku Dios bendishonábo rikamente !

Kiko ta Iglesia Berdadero?

DEN E LÈS AKI LO BO STUDIA

- *Kiko Ke Men Iglesia?*
- *Kiko Iglesia Berdadero ta Hasi?*
- *Pakiko Pertenes'é na un Iglesia?*
- *Kiko ta Pasando ku Iglesia?*

PROME PARTI

KIKO KE MEN IGLESIA

E palabra iglesia tin diferente nifikashon:

Esnan Ku Ta Pertenesé Na Kristu

Hesus a bisa, “Lo mi lanta mi iglesia”. E palabra ku El a usa ta nifiká “esnan yamá”. Kristu ta yama nos pa siguiE. Nos ta bandoná nos bida bieu di piká i bira miembro di e kurpa grandi di esnan yamá ku ta rekonosé Hesus como nan Kabesante. Esaki ta e Iglesia berdadero. Ta Dios so sa ta ken ta e miembranan. Hopi di nan ta den shelu kaba.

Kolosensenan 1:18. E ta tambe kabes di e kurpa, e iglesia; i E ta prinsipio



Romanonan 12:5. Asina nos, siendo hopi, ta un kurpa den Kristu i kada un en partikular miembro di otro.

E Iglesia Lokal

Den kualke komunitat esnan ku ta kompartí e mesun fe den Kristu ta bin huntu regularmente pa ador'E, meskos ku nan tabata hasi den tempu di Beibel. Nan ta forma un iglesia lokal i ta traha huntu pa Señor.



Mateo 18:20. Pasobra kaminda dos òf tres ta reuní den mi nòmber, ei Mi ta meimei di nan”

Kolosensenan 4:15. Saludá e rumannan ku ta na Laodisea, i tambe Ninfas i e iglesia ku ta na su kas.

Iglesia Nashonal òf Denominashon

Un iglesia nashonal, òf denominashon, ta un organisashon di hopi iglesia lokal. Nan ta yuda otro i nan por hasi muchu mas pa Señor dor di traha huntu ku si nan traha separá. Nan ta produsí literatura, prepará ministernan, habri iglesianan nobo i operá skol i kasnan di huérfano.

Lidernan di e iglesia nashonal òf denominashon ta yuda e iglesianan lokal ku nan problemanan, meskos ku e apóstelnan tabata hasi den tempu di Beibel.

Echonan 15:6, 23, 41. I e apòstelnan i e ansianonan a bin huntu pa papia riba e asuntu aki. . . . i nan a manda e karta aki I e tabata biahia dor di Siria i Sisilia, fortifikando e iglesianan..

Diferente denominashon a wòrdú formá pa motibu di diferenshanan den kreensha tokante e forma di adorashon,e mihó manera pa organisá iglesia, i e nifikashon di sierto partinan di Beibel. Sinembargo, hopi denominashon a bai di akuerdo riba hopi punto importante i nan ta koperá ku trabou i adorashon.

E palabra *iglesia* ta nifiká tambe e edifisio kaminda e pueblo di Dios ta bin huntu. Sea nan ta grandi of chikí, totalmente dekorá òf di forma simpel no ta importante. Loke realmente ta importante ta e presensia di Dios einan.

Pa Bo Hasi

Pone un strepi bou di un formulashon ku ta kompletá kada frase korektamente.

- Ora Hesus a bisa, “Mi lo lanta mi iglesia. “Ela usa un palabra pa iglesia ku ta nifiká
 - a. un organisashon nashonal di lider i funshonarionan
 - b. un grupo di hende yamá for di den mundu.
 - c. edifisio apartá pa adorashon i orashon.

- Ora Beibel ta bisa ku e iglesia ta manera e kurpa, e ta pone atenshon riba e iglesia como un
 - a. un unidat bibu di diferente parti ku Kristu como su kabes.
 - b.un ret di gruponan lokal di Kristiannan ku ta traha huntu.
 - c.un sosiedat di hende ku ta siña mucha i yuda huérfanonan.
- Esnan ku ta parti di e iglesia berdadero tur ta
 - a. pertenesé na un organisashon nashonal.
 - b. sigui e mesun forma di adorashon.
 - c. kompartí e mesun fe den Kristu.

Memorisá Esaki

Marko 5:19. Bai bo kas serka bo hendenan i konta nan ki kosnan grandi Señor a hasi pa bo.



Marko 16:15. Bai den henter mundu i prediká e evangelio na tur kriatura.

Echonan 1:8. Ma boso lo risibí poder ora Spiritu Santu bin riba boso i boso lo ta mi testigunan.....te na e parti mas alehá di mundu.

E Iglesia Berdadero ta Siña e Palabra di Dios

Iglesia ta usa tur manera ku e por pa siña su miembronan e bèrdat i siña nan pa sigui Hesus.

Mateo 28:19, 20. Pesei, bai i hasi tur e nashonnan disipel di Mi, i batisá nan den nòmber di e Tata i di e Yu i di e Spiritu Santu. I siña nan pa kumpli ku tur loke mi a ordená boso.

E Iglesia ta Prekupá pa Su Miembronan.

E iglesia ta sòru pa e krelementu spiritual di su miembronan dor di bin regularmente huntu pa adorashon, studia Beibel, pa ta huntu den kompania, i servisio Kristian.

E iglesia ta duna guia i ta yuda esnan ku tin problema. E ta hasi loke e por pa esnan den nesesidat, tantu miembro como no- miembro.

Pa Bo Hasi

- E hendenan den un iglesia tabata sòru pa otro, tabata bin huntu pa alabá Dios, i pone tempu pa studia di Beibel. Kiko otro nan lo mester hasi ku nan no ta hasiendo? Skirbi bo kontesta den e espasio ku tin disponibel.
-
.....
.....
.....
.....

DI 2 PARTI KIKO IGLESIA BERDADERO TA HASI?

E Iglesia aki i den Parti 3 ta referí na e kurpa di Kristu manera e ta traha den iglesianan lokal i nashonal.

E Iglesia Berdadero ta stima Dios i ta Biba p'E.

Dios ke pa nos stim'E total i kompletamente. Ela krea nos di manera ku nos por ta Su yunan, disfrutá di Su amor i stime'E tambe. E iglesia ta enkontrá ku Dios den adorashon . Huntu i individualmente su miembronan ta ekspresá nan amor na Dios den orashon, alabansa, muzik, dunamentu, sirbishi Kristian i obedensha na Su mandamentunan.

E Iglesia Berdadero ta konta Mundu tokante Hesus

Kada Kristian mester konta su famia i amigunan kon nan por wòrdou salbá. Spiritu Santu ta yuda nos hiba e mensahe di evangelio na kada parti di mundu. Nos ta traha huntu pa hasi esaki.

DI 3 PARTI

DIKON PERTENESÉ NA UN IGLESIA?

Pasobra Bo Mester di e Iglesia

Dios a pone hende den iglesia pa yudabo i siña bo. Di e manera aki e ta yena bo nesesidatnan spiritual.

Efisionan 4:11, 12. I El a duna algun komo...evangelista, i algun como pastor i siñadó. Pa ekipá e santunan pa e trabou di sirbishi, pa edifiká e kurpa di Kristu.

Bo no mester djòin un iglesia ku e idea ku nan lo yudabo ku sèn, kuminda, òf otro nesesidatnan material. Si bo pone Dios promé den bo bida, E ta sòru pa tur bo nesesidatnan.

Pasobra e Iglesia mester di Bo

Kada parti di e kurpa tin su trabou. Tin trabou pa bo como miembro di e Kurpa di Kristu. Un dede no ta útil su só. E mester djòin e man pa bira útil. Di mes manera , bo mester tuma bo lugá den iglesia i laga Dios usa bo pa yuda otronan.

Romanonan 12:4, 6. Pasobra meskos ku nos tin hopi miembro den ún kurpa , i tur e miembranan no tin e mesun funshon. I como ku nos tin donnan ku ta diferente segun e grasia duná na nos, laga kada un usa nan.

Pasobra Bo Por Sirbi Dios Mihó den Iglesia

Ora bo wòrdú boutisá ku awa i bo djòin un iglesia, esaki ta un bon testimonio pa ottronan, tambe un akto di obedensha i dedikashon na Dios.

Bo ta sirbi Dios tambe dor di duna pa Su kousa. Bo por hasi esaki mihó dor di un iglesia. E ta atministrá e sèn ku kuidou, dor di paga gastunan pa hiba e evangelio na e komunitat lokal i na hopi otro lugánan. Pasobra un hende a duna, bo por a tende e evangelio. Pasobra si bo ta duna, ottronan ta tende i ta wòrdú salbá.

2 Korintionan 9:6, 7. Awor esaki mi ta bisa: esun ku sembra skars lo kosechá skars tambe; i esun ku sembra generosamente lo kosechá generosamente tambe. Laga kada un hasi manera el a proponé den su kurason; no kontra su gustu òf obligá; pasobra Dios ta stima esun ku ta duna ku alegría.

Bo tin hopi oportunidad pa sirbishi Kristian den iglesia: orashon, testiguá, parti literatura, kanto, eduká, prediká, i trese ottronan iglesia. Hasta bo bishita fiel ta agradá Dios i ta enkurashá ottronan.

Hebreonan 10:25. I no laga di asistí na nos mes reunionnan, manera ta kustumber di algun, ma enkurashá otro; i muchu mas ainda ora boso ta mira ku e Dia ta yegando serka.



Pa Bo Hasi

Vincent ta kere ku e no mester topa ku otro Kristiannan pasobra e por lesa Beibel i hasi orashon na kas. Kiko lo bo hasi pa yud' é realisá ku e ta robes? Hala un strepi bou di e deskripshon ku e mihó kontesta.

- Mustré ku e mester di amigunan maske ku e ta kere ku e no mester.
- Splika e rasonnan ku Beibel ta duna pa reuní ku otro Kristiannan. Bis' é ku otro Kristiannan por yud' é ku su problema finansiero.

PARTI 4

KIKO TA PASANDO KU E IGLESIA?

Binti Siglo di Lucha

For di tempu ku Kristu Hesus a lanta Su iglesia, Satanás ta bringando ku eseí. Iglesia ta lucha pa reskatá almanan for di su mentira i desepshonnan.



Efesionan 6:12. Pasobra nos lucha no ta kontra karni i sanger, sino kontra gobernantenan, kontra podernan, kontra forsanan mundial di e skuridat aki, kontra e forsanan spiritual di maldat.

1 Pedro 5:8. Sea sobrio, sea alerta! Boso atversario, e diabel, ta kana rònt manera un leon ku ta gruña, buskando ken e por devorá.

Strategia i Arma di Satanás

Satanás ta purba di separá Kristiannan di Kristu pa asina e por derotá e iglesia. Su strategia prinsipal ta persekushon, desepshon i tentashon.

E ta usa hende pa persiguí i mata Kristiannan. E ta penetrá iglesia ku maestronan falsu i hasi algun lider siegu di inkredulidat. E ta tenta Kristiannan pa hasi piká pa asina nan bira swak i infruktífero. E ta purba di laga nan duda den Dios i neglishá nan relashon kunE.

Strategia i Armanan di Iglesia

Nos defensa ta di keda den kontakto ku nos Komandante, Señor Kristu Hesus. Nos arma prinsipal ta orashon, fe, i e Palabra di Dios. Spiritu Santu, ku ta mas fuerte ku Satanás, ta duna nos forsa i poder pa derot'e.

Efesionan 6:10, 11. Finalmente, sea fuerte den Señor, i den e forsa di Su poder. Bisti e armadura kompleto di Dios, pa boso por para firme kontra e trampenan di diabel.

Viktoria di Iglesia

Dor di añanan persekushon a purifiká iglesia i lague krese. Spiritu Santu a manda olanan di “avivamiento” pa liber'e de piká i enseñansa falsu. Kisas nos lo sufri awor, pero pronto e guera ta pasa. Satanás lo wòrdu derotá, i e iglesia lo reina pa semper ku Kristu.

Mateo 16:18 i riba e baranka aki lo Mi traha Mi iglesia; i e portanan di fièrnu lo no truinfra riba dje.



Romanonan 8:37. Ma den tur e kosnan aki nos ta mas ku vensedor dor di Esun ku ta stima nos !

Bo Parti den Tur Esaki

Den e guera aki kada Kristian ta un soldá.

2 Timoteo 2:3. Sufri aflikshon huntu ku mi, manera un bon sòldá di Kristu Hesus.



Revelashon 2:10. No tene miedu Sea fiel te na morto i lo Mi dunabo e korona di bida.

Pa Bo Hasi

- Kada Kristian ta un soldá den e bataya spiritual ku ta tumando lugá pasobra kada Kristian ta un blanko pa
- E Kristian ta derotá Satanás i su mentiranana dor di usa e spada di bérdat ku ta

PABIEN KU BO A FINALISÁ E KURSO AKI!

Awor, kompletá e preguntanan di Lès 6 na final di e buki. Despues, manda bo **kontestanan** di e **Paginanana di Evaluashon** pa ofisina di Global University na Korsou via e-mail: globaluniversitycuracao@gmail.com

Nos ta spera ku bo a disfutá di studia e lèsnan aki. Nos ta enkurashá bo pa inskribí bo mes pa un otro kurso di Global University pa asina bo por siña mas tokante di Dios i Su plan maravioso pa bo.

EVALUASHON DI LÉSNAN

DIREKSHON

Por fabor skirbi na blòklèter:

Bo Nòmber: _____

Pòstbùs: _____

Adrès: _____

Siudat: _____

Provinsia: _____

Postkode: _____

Pais

Email: _____

Pa bo por risibí bo sertifikado pa *Preguntanan Grandi di Bida*,
kontestá tur e preguntanan di e kurso aki.

Manda bo kontestanan via email na globaluniversitycuracao@gmail.com

Awor bo ta kla pa kompletá evaluashon di Lèsnan 1 te 6.

LES 1

1 Mi a hasi tur e ehersisionan “Pa Bo Hasi” den Lès 1, kontestá tur pregunta i memorisá e versíkulonan di Beibel. Si No

2 E úniko manera pa siña e bèrdat di kreashon di hende i mundu ta di

.....

3 Dios a traha hende i mundu pa Su

.....

4 Malesa i morto a bin den mundu dor di

.....

5 Nos kastigu di piká a wòrdú kitá for di nos dor

.....

LES 2

1 Mi a hasi tur e ehersisionan “Pa Bo Hasi” den Lès 2, kontestá tur pregunta, i memorisá e versíkulonan di Beibel Si No

2 Mi mester konosé e bèrdat tokante Dios pasobra E ta mi....., mi, i mi

3 Bo por konosé e bèrdat tokante Dios for di loke Dios mes a bisa den Su Palabra, e Beibel. Bo por konosé tambe e bèrdat tokante Dios for di propiopersonal.

4 Dios ta un Dios di amor. E sa tur kos i E por hasi

5 Dios ke pa bo ta honesto i sinsero den bo adorashon na djE. E ke tambe pa bo gradisiE pa Su na bo.

LES 3

1 Mi a hasi tur e ehersisionan “Pa Bo Hasi” den Lès 3, kontestá tur pregunta, i memorisá e versíkulonan di Beibel Si No

2 Abo i ami a nase pa ta yunan di Dios i pa na Su semehansa.

3 Komo ser humano, mi ta kapás pa separá bon for di malu, pa apresiá bunitesa, pa pensa, pa adorá Dios i hasi kosnan útil. Tur e abilidatnan aki ta mustra ku mi tinden mi.

4 Ora mi hasi kosnan ku ta robes i biba solamente pa satisfasé e deseongan di mi kurpa, ta mustra ku e imágen di Dios den mi a wòrdú

5 Pa por agradá Dios, mi mester permití Dios pa mi naturalesa i pa Su imágen den mi.

6 Ora mi aseptá Hesus como mi Salbadó, mi ta bira yu di Dios i Su imágen den mi ta keda restourá. Dios a mustra mi ku esaki a pasa dor, dor di ta testigu di Su....., i dor diden mi.

LES 4

1 Mi a hasi tur e ehersisionan “Pa Bo Hasi” den Lès 4, kontestá tur pregunta, i memorisá e versíkulonan di Beibel Si No

2 Kua di e personanan deskribí akibou a haña si nesesidat di mas grandi:

- a) Marta a risibí bida spiritual for di Dios.
- b) Billy a haña un manera pa gana mas sèn.
- c) Kim a keda saná di siegiedat.
- d) Karl a pidi Kristu Hesus pa salb’é.

3 E piká di mas grandi ta pa..... e mandamentu mas importante di Dios ku ta pa Dios.

4 E miró momento pa mi pidi Kristu Hesus pa salbami ta.....

5 Beibel ta bisami ku Dios lo supli pa mi nesesidatnan pa kuminda i paña si mi ponena e promé lugá.

LES 5

1 Mi a hasi tur e ehersisionan “Pa Bo Hasi” den Lès 5, kontestá tur pregunta, i memorisá e versíkulonan di Beibel Si No

2 Ora un yu di Dios muri, su spiritu ta bai

3 Ora Hesus bin bèk na mundu, tur esnan ku ta pertenesé na djE lo haña un kurpa nobo ku ta manera

4 Shelu ta un lugá ku Dios a prepará pa tur esnan ku , i fiérnu ta e lugá ku Dios a prepará pa Satanás i tur esnan ku

5 Ami a skohe pa sigui e kaminda di shelu ora mi a konfesá mi na Dios i aseptá..... komo mi Salbadó.

LES 6

1 Mi a hasi tur e ehersisionan “Pa Bo Hasi” den Lès 6, kontestá tur pregunta, i memorisá e versíkulonan di Beibel Si No

2 Esnan ku ta pertenesé na e iglesia berdadero ta esnan ku ta sigui komo nan lider.

3 E iglesia berdadero ta hasi kuater kos prinsipal. Splika esaki dor di kompletá e kuater frasenan aki:

E iglesia berdadero ta adorá, ta konta tokante di Hesus, ta siña su miembronan i ta sòru pa esnan ku ta

4 Esnan ku ta pertenesé na e iglesia berdadero ta yuda otro krese spiritualmente dor di

5 E tipo di viktoria ku e iglesia berdadero lo tin ta inkluí derota kompletó di

BO KOMENTARIO I PREGUNTANAN

Kisas bo ke ekspresá bo komentario personal tokante di e lèsnan aki. Si ta asina, respondé kada un manera ta indiká.

- 1** Bo a komprondé e plan di salbashon di Dios i a azeptá Hesus como bo Salbadó promé ku bo a kuminsá studia Lès 1?
- 2** Si no ta asina, bo a azeptá Hesus como resultado di studia e lèsnan aki?
- 3** Si bo no a azept'E ainda, lo bo a azept'E awor?
- 4** Bo ta pertenesé na un iglesia lokal? Si ta sí, na kua iglesia?.....
- 5** Lo bo ke haña adrès di un iglesia lokal den bo bisendario?
- 6** E lèsnan aki ta inkluí hopi bèrdat tokante Dios. Kua di nan a yudabo mihó den bo bida aworaki?.....
.....
- 7** Si bo ke, nombra un nesesidat òf problema speshal ku lo bo ke pa un ruman hòmber of muhé Kristian hasi orashon ku bo tokante di dje .
.....
.....
- 8** Lo bo ke risibí informashon di otro kursonan manera esaki pa bo por studia?

Pabien ku bo a finalisá e lèsnan i kontesta tur e preguntanan.

Manda e kontestanan via email pa globaluniversitycuracao@gmail.com

Ku Dios bendishoná segun bo ta stim'E i sirbiE!

MANDA EMAIL DI BO AMIGUNAN PA NOS

Nos lo kuminsá manda Lès 1 di

“E PREGUNTANAN GRANDI DI BIDA” pa nan

Nòmber

Email:

Nòmber

Email:

Nòmber

Email: